

商三三號店

春八郎五十七

重
錄
總
校
下
序
郎
且
商
供

學
士
王
胡
王
蒙

八
校
官
先
為
自
林
鍾

書
寫
陳
士
同
歲
山
水

商
典
監
生
戶
馬
氏
氏

月
氏
氏

1882.11

永樂大典卷之八千五百七

十九庚

寧

南寧府二

城郭

本府南寧府志宋朝元豐三年修築大城。六年而備。元豐八年修築城東羅城。元朝於舊基上以土築為城牆。凡有崩壞。正是補築。

本朝重修城垣。一新週圍一千零五丈。各門月城池週圍丈數不等。城門

五座。鎮江門至長塞門長八十二丈七尺。安塞門至新東門長三百

一十一丈五尺五寸。月城池一十九丈。新東門至朝京門一百九十七

丈五尺五寸。月城池週圍二十丈。朝京門至鎮邊門長三百零二丈四尺

五寸。月城池週圍二十七丈。鎮邊門至鎮江門長一百一十丈七尺五

寸。月城池週圍一十九丈。南北城壕二處。建武志據舊志。羅城元周一千

丈。高一丈五尺。上廣一丈三尺。下廣二丈。環遠二壕並廣一丈五尺。深一

丈。唐開元二年司馬呂仁築。蓋州古城。在今之城南二里。其故址僅存。社稷在焉。今城之築。自皇祐間經兵火。碑刻不存。遂無稽考。耆老相傳經營

之初。隨築隨壞。董役者苦之。夜夢有蛇環地而行。若示其址。遂誌所夢。即其地而築焉。並青龍烏龍廟于城隅。至今祀之。即所夢之神也。元豐三年得旨修築。六年而城備。周二千五百二十步。高三丈五尺。下廣六丈。上廣二丈六尺。環之以屋。三面爲壕。而西因長江。馬于城在其內。其制惟稱城備之。明年太守西上。閤門使和公斌以甘泉隔於城外。兵民爲風夜之阻。遂上其事。展城以便汲者。週圍四百一十有六步。高二丈五尺。上廣一丈九尺。而基倍之。復作兩門。城於外。各長一十有五步。其高如新城之制。總周九里三十步。城門之舊曰朝天。曰望京。曰長泰。曰鎮遠。曰安塞。曰威濟。與長橋門而七。長橋在城之東北隅。於八卦爲艮。陰陽家以艮爲鬼戶。由是戶則有咎證。且其門與朝天望京密通。視二門爲僻。左既非市廛通衢。與梁父廢門爲之不關者多。歷年閤人不設守禦。無尸其責。弊以戒不虞。司城官屢以爲言。此得旨修城。遂築其門。與合門之外有小甕城。城叢生荆棘。併徹去之以墮其外。今爲門惟陸自城之築。經始者以其土性緩散。從而屋之。歲月既深。材盡壞圯。連楹越雉十隳其七八。舊植之存者皆朽。株危立。草莽殆生于隍。而甘泉之小城尤甚。木存拱於墜壁者。狐兔之跡相尋。公私俱病之。分守者以之財用憚於大役。歷十餘政皆未遑也。安撫

任分兩持使者節。屈臨是邦。下車未幾。慨然興嘆。以是爲邊藩二廣四十餘州。所以爲安。其爲阻固。不可以不謹。乃或司城約所費。告于帥府。經略使司業劉公。以聞于朝。有旨賜緡錢一萬。併修軍器。遂命陶人埏埴于三廟。掌灰鍛石于可廬。攻木之工。凡一百八十有三。版築之功。凡九百十有四。雜以壯城之卒。焚城之摧毀者。凡一十有六。所計三百三十有一丈。沿女頭凡二千二百六十有三。爲新屋一千五百有一間。外圍樓四。敵樓馬面三十有六。甲仗庫一。備城庫二。城門之樓重建者四。曰熱門。曰安塞。曰望京。加葺者三。曰鎮遠。曰威濟。曰長泰。鳩工於六年十月之吉。迨七年盡正月而告成。本州城自元豐修築三面爲壕。而西因長江舊矣。厥後以年深頽圯。自任安撫任內復修築。一仍元豐制。乃損女頭城面之磚。以增修其城身。遂易以土。塹爲之。故屋之以庇風雨。歲月既深。材蠹樞朽多。壓焉會朝廷以西南幹腹爲憂。謀師當一面。閫使王舍人雄實。自宜易鎮于邕。公山陽人也。有大勳勞于江淮。素請備禦事。環視惻然。曰。西廣所恃以爲藩籬者邕耳。而城圯塹埋。且不合古制。以矮屋覆于上。緩急孰與禦。遂亟申臺閫。及樞密行府。量事期計丈尺。具畚鍤市木於北山。鍛灰於可廬。造埽於馬務三廟。及東北諸徭率土丁戍軍壯。城之卒咸執斯役。盡撤

用磚灰就城身鼎砌。女頭環布圍敵馬面樓。一如淮東之城制。總創圍樓四座。馬面樓三十六座。甕城樓五十四間。敵樓二座。幫砌城之額圯者十餘所。復砌城面二千一百九十步。女牆省臺稱是。重甕城門兩座。東門外倚壕施釣橋。鄉老云。正合武襄公之故址。環城又築旱馬墻。以爲捍敵之防。又築南壕壩三十五丈。浚東城壕五百餘丈。溝深壘固。穩若敵國。有來自特磨者。陸南詔以西。諸蕃皆有相戒不可犯之語。一時盛觀。誠甕堞振古之所未見。是役也。樞密大使陳鞏撥十七界會七萬貫。帥漕工待董公。僦撥經司錢五千貫。運司錢五千貫。運司錢萬貫。提刑楊奐權漕日撥益二百籊。又撥錢一千貫。用猶不給。公復博第一切浮貫銖積寸累。以濟支遣。總用磚五百萬有奇。灰一百萬。勦木三萬株。竹二萬竿。鐵三萬觔。工費二萬三千緡。鳩工於淳祐八年夏五月。越明年六月告成。坊南軍府志。武勝坊在衛門之南。肅清坊在按察司之東南。仁和坊在府門之西。宣明坊在府之西南。建武志。待賢坊在城之東。慶闌坊在城之南。永定坊在城之西。長樂坊在城之北。右坊肆在羅城外。乃舊所建。永寧坊在州治之前。景行坊在子城之南。德化坊在子城之南。泮官坊在長春門內。道遠坊在子城東北。勝遊坊在安塞門內。迎輅

坊在朝天門內。崇善坊在子城之北。仁和坊在子城之北。勝業坊亦在子城之北。右坊一十在羅城內。於紹聖三年立。米遊坊在城之東。迎恩坊在城之東。金坊坊在城之東。衣錦坊在城之南。飛驒坊在城之南。連清坊在城之北。鎮遠坊在城之西。輝武坊在城之北。宣化坊在城之西北。右坊九在羅城外。亦於紹聖三年立。互市。建武志紹興三年二月五日。臣寮上言。乞於邕州買馬司收買綱馬。得旨。依奏。於邕州置司。差提舉買馬官李預。六年罷。所置。今本路帥司無提舉買馬。邕州知州兼提點買馬司。三十二年。帥臣余良弼奏。本司幹辦公事一員。乞依元豐指揮。於邕州置驛。守處居住。檢察傳馬錢物。同措置買馬。得旨。依乾道七年。帥臣李浩申。乞依舊復置提點綱馬驛。程二員。往來檢視。綱馬一員。靜江府置驛。守一員。撫州並從本司踏逐大小使臣。奏辟其請。給人從合。依本司屬官體例。得旨。依淳熙十二年。有聖旨。令川廣漕臣。依元降指揮。兼帶提舉本路綱馬驛。程其提點使臣。並改作幹辦。稱呼。橋津南寧府志。魚步津在城南。上津在城北。建武志。徐步橋在焉。邊樓之前。

宣化縣南寧府志鄉隅 本縣仍舊見管五隅九鄉二里 五隅 東南

隅。西隅。北隅。中隅。九鄉。上東鄉。下東鄉。上南鄉。下南鄉。西鄉。北鄉。思龍鄉。如和鄉。太平鄉。二里。封陵里。武

仕里。邕州志上東鄉在縣東管一十八村。下南鄉在縣西管一十三村。西鄉在縣西管一十九村。北鄉在縣北管二十五村。太平鄉在縣

南管一十五村。如和鄉在縣西南管三十村。思龍鄉在縣西管三十村。上南鄉在縣南管一十五村。下東鄉在縣東管一十七村。如洪

里在縣西管一十四村。南寧府志墟市。三朱墟。張墟。南墟。呷墟。韋墟。古潭墟。古隸墟。合羅墟。段僕墟。那同墟。那龍墟。那

萬墟。零灣墟。羅文墟。新墟。安吉墟。武崗墟。鮑墟。長山墟。鄧墟。新庄墟。梁賴墟。思回墟。石廣墟。高屯墟。水路。上

至右江田州府兼化州四百五十里。左江太平府五百里。下至潯州府三百里。陸路。上至右江田州府歸德州二百二十里。左江太平

府羅陽縣一百九十里。下至潯州府三百里。橋。元亨橋。龍溪橋。津渡。鎮江門渡。魚步津渡。大灘城。

武緣縣南寧府志城。宋朝立縣以來。別無城池。元朝爲因土寇。班天瑞作耗。本縣主簿兼府吳清寧始督鄉民修築土地。其基址稍寬闊。未附之

前。又因峒賊黃郎道譚布盈等連年作耗。居民逃倚山寨。前項城墻俱各崩壞。洪武元年冬。有權知縣陳鼎重乃閱舊裁減荒餘之地。從新築土爲之。今其城高一丈三尺。周圍三百九十二丈八尺。坊德政坊在縣門正街。淳熙坊在縣東街。禮義坊在縣西街。鄉里止戈鄉在縣東北管七里。羅和里。富昌里。右明里。賢良里。上富里。謂隆里。大小武靜里。鳳化鄉在縣正北管三里。羅偉里。沒里。古叅里。永寧鄉在縣西北管五里。樂昌西鄉在縣東南。迷昆鄉在縣正北管大小安定一里。墟市。陸幹。龍母。陶胡。馱纜。鄧魯。小陸。譚黃。小楊。蘇排。蠟塘。樂昌。平洪。下黃。葛墟。伊嶺。膺墟。舊墟。鋪墟。橋墟。都暗。定羅。蘇梁。古浪。揚墟。麗盛。片墟。蓮塘。平林。古天。程墟。古木。仙胡。生料。橋利。小莫。敢曜。思坊。小黃。橋東橋。羅庇。浮排。平安。蘇豐。武崗。暗橋。銀橋。閉忙。韋朗。民橋。思馬。渡。南渡。硃砂。六祖。洪水。冷水。

橫州南寧府志城。水朝以來。已有土城。爲因土寇作耗。人民居於山谷。多有額壞。

本朝歸附以來。重新整治。今其城高一丈八尺。周圍三百二十五丈。橫州志
城周圍三百四十二丈。高一丈八尺。宋末太守謝榮伯環城三面。濬濠闊
三丈。深八尺許。至元二十四年。太守張垓又重修之。復增廣於舊云。郡
城周三百四十二丈。高一丈八尺。闊五尺。太守謝公渠伯一新修治。及復
額圯。太守張公垓再行繕治。今復廢壞。郡壕闊三丈。深八尺。歲久淤塞。
東北隅背澗。遂為犬豕之場。舊有溝泄水南入于江。鄉人患其甲庚失次。
因循未改。今太守張公垓浚其流。自乾安達香稻水入于江。壕水三面。遂
復環遶。坊 文明坊在縣東正街。崇儒坊在城外西街。嘉政坊在
城外大市街。衣錦坊在城東。南寧府志鄉里 從化鄉在縣北。北鄉
在縣西。南鄉在縣南。修德鄉在縣西。武羅鄉在縣北。靈竹鄉在
縣北。南里鄉在縣西。東北西里在城內。中南里在城內。思恩里
在縣東。端峯里在縣東。高登里在縣東。橫州郡志樂山鄉在縣東。橫
州志墟市 大市街在州之東。博合墟。蓮塘墟。前永淳縣墟。輿地
紀勝快活墟。在寧浦縣西二十里。南寧府志橋 翔雲橋在縣北。淶水
橋在縣北。方水橋在縣之北。太平橋在縣西。稻水橋在縣之西。
永東橋在縣西。海棠橋在縣之西。輿地紀勝泰少游次題海棠橋。海棠

橋者。陶城郭抱林麓。大江橫鶯。漸流屈折。故爾幽趣。故老云。此橋之南北。舊皆海棠。有書生祝其姓家其間。少游嘗醉有馬。明日題一詞而去。所謂醉鄉廣大人皆少足也。郡城僻而少游嘗居焉。見懷古亭記。梁談撰。通津橋在縣北十里。即今州公營水橋在縣西三十五里。橫州志津。東津縣東五里。西津縣西一十里。南津在縣門。北津縣北七里。橫州郡志渡。南渡在州之南通欽州。前永淳縣門渡。東津渡。西津渡。古文渡縣北。

永淳縣橫州志城。土城周圍二百二十四丈。高八尺。南城樓三間。高一丈五尺。鄉里。武羅。脩德。零竹。南里。縣廓。上里。中下里。墟。大市墟在縣城南。渡。南渡在縣南通南寧府。

風俗

本府元一統志地近溪洞與左右兩江習尚夔殊。人性輕悍而雅髻箕踞。乃其習也。鼻飲之俗。王安石論交趾文畧云。閩民頭飛。我有車馬。閩民鼻飲。我有酒食。用革爾之俗也。爾民斷髮。我有衣冠。爾民鳥語。我有詩書。用教爾之禮也。煌煌炎洲煙蒸霧煮。我飛鳬雲漢。爾甘雨湯湯。瘴海雲燒。日鉸。我張爾錦琴。爲薰風。邕人語言類褒漢。自武襄狄青平儂智高去後。

留兵千五百鎮中。皆襄漢子弟。至今邕人。皆其種類也。風俗乖異。詔令嶺南諸郡民嫁娶喪葬。衣服制度。委長吏常加戒勵。俾遵條式。宋熙寧二年。太宗覽邕管雜記。歎息。故有此詔。長編鄉村之俗。多戴白巾。邕州圖經云。俗儉。番澆薄。內除外蠶。推髻跣足。尚雞卜。及卯卜。提色。其踞案。字記亦云。狸獠有四色。詔各別譯。而方通州。即古晉城。蠻歲時於石溪口通商。有馬會記文。曰。馬會。今之獠布。以竹灰爲鹽。不事五味。案字記及圖經云。

溪洞頑習。與省民異。推髻蠻膏衣冠不正。服食亦殊。少習詩書。多務山園。以強凌弱。以衆暴寡。自耕自食。雖父子兄弟之間。言稍不順。遞相讎殺。歸附元以來。德化所被。稍改舊習。

宣化縣南寧府志。本縣境俗。土瘠民貧。男子務農。無習技藝。婦女趨墟。賈賣爲活。四時鬱蒸。地土不宜蠶桑。二麥。惟務紡績。麻葛爲衣。不分寒暑。悉皆跣足。民性頗淳。冠婚喪祭。稍循禮法。外有如和太平。思龍三鄉接連。萬承業化。歸德嶼。嶼民撞烏雞。愚昧無知。自歸附以來。漸以効順。輸納賦稅。民間有病。皆不服藥。惟信卜筮祈祭。每歲春以三月。秋以九月。登墳祭掃。武緣縣南寧府志。本縣地面。隣接嶼。民性澆薄。重賄輕死。蓋因田土瘠确。多係刀耕火種。用力艱苦。四時常服麻布。不諳蠶事。不務商賈。民間但

婚妻室。父子多不同居。疾病不肯服藥。惟以卜筮禱祭。外有近獮臂屬迷
昆鄉。大小不定。里人民其性凶險。原係蠻獠。不知理法。不伏科差。自洪武
四年以來。才方向化。止是輸稅而已。

橫州南寧府志。本州地面偏僻。在遐荒。風氣鬱蒸。瘴癘不常。土瘠民貧。力
耕火種。男子揠採經營。以補歲食之不給。女子紡績麻葛。以供四時而服
焉。不諳蠶事。冠婚喪祭。稍依禮法。惟婚姻以擯。擯爲禮。疾病俱不服藥。惟
以卜筮禱祭。唐宋以前。亦有登科進士者矣。大抵嶺南諸邑。民淳訟簡。號
爲易治。橫邑其庶幾焉。橫州志。漢地理志云。男子耕農。種禾稻。芋麻。女子
蕉落績紡。民有五畜。元一統志。地隘民瘠。俗惟種田。

形勢

本府郡縣志。慶曆四年四月。長編載。竇元初杜杞知橫州。言邕管內制廣
源。外控交趾。願擇文臣。達權變練嶺外事。以爲牧守。使經制邊事。皇祐四
年五月。廣源州蠻儼智高叛。破邕州。連陷橫貴。襲藤梧。封康州。攻廣州。
不克。九月。陷昭州。賓州。復入邕州。朝廷命樞密副使狄青討智高。五年正
月戊午。青與智高戰于歸仁。輔大破之。智高奔大理國。輿地紀勝。貞觀爲
都督府。唐武志。貞觀六年。改爲邕州都督府。唐以邕州爲西道。唐大詔。令

咸通三年。分嶺南爲東西道。廣州爲東道。邕州爲西道。三十六洞印。先時
兩江州洞。各執山獠古洞印。至治平四年。準制足給賜銅印。左江十八面。
右江十八面。今所爲三十六洞之印也。雖此續降印。譌罔不止三十六也。
號爲大府。皇祐五年。丁寶臣作邕州。新城記。以嶺南東西二部四十五州。
惟廣桂邕號爲大府。見韓州圖經。厥惟邕邊。南國之紀。九洞襟帶。州城列唇齒。
余踏平蠻。頌曰。厥惟邕邊。南國之紀。邕境所蒞最廣。度嶺而西。爲州二十
有五。而道里延袤。輿鹽錯居。有永平橫山二寨。永平通交趾。暨于海外。獠
山遁自祀羅殿。諸蠻控連已蜀。見杜松乙編。李大異書。橫山買馬圖。併邕
容兩管爲一道。深合事宜。韓愈奏黃賊事宜。然邕州與賊逼近。容州則其
應隔。其經畧使若置在邕州。無賊隔江對岸。兵鎮所處。効力必全。今置在
容州。則邕州兵馬必少。伏請移經畧使於邕州。實爲至便。夢蛇示杜皇祐
築城。隨築輒壞。役者苦之。夜夢有蛇環地而行。若示其址。遂即其地。築
爲雲南頭楚分尾。杜光復風土歌。元一統志。南晉際窮荒之境。群蠻來互
市之街。姚知才謝表云。山川禹貢外。城郭漢兵餘。唐庚詩。金城之固。
銅柱之封。狄青賀捷表云。地控龍編之遠。歲通駝骨之奇。顏敏德謝表
云。山川通益部。星斗近交州。陶弼詩。黃茅煙瘴之地。舊傳檳榔出海。

南。又歷瘴氣。日夕食之爲常。至於婚嫁。亦以此爲禮。厥惟邕國。南國之紀。九洞襟帶。州城脣齒。余靖平蠻頌云。玉簪峯頂。銅柱溪頭。見陶弼詩。

橫州郡縣志。寶元初。杜杞知橫州。言橫爲邕欽廉三郡咽喉。地勢阻險。可以屯兵。應援三郡。賊或奔衝。足爲控扼。州以橫槎爲名。按寰宇記。三

梁故縣烏潯所巢。按寰宇記。對境之前有南山焉。峯巒疊秀。泉石清深。僧先覺撰寶華山記云。橫踞邕爲隣。實犬牙相制之地。易被修城。記云。

南頻海嶽。西接溪洞。按寶華山記云。東連懷澤。西接欽江。實二州車馬之衝。韋鎬太守上梁文。萬疊山圍城堞。古一灣江抱海槎浮。徐安國

橫浦詩。

戶口

本府南寧府志。人戶一萬三千二百八十五戶。人丁一十萬三千五百七十三口。宋朝戶一萬四千九百三十三戶。丁六萬二千零九十口。

元朝戶九千七百零四戶。丁五萬二千七百八十三口。

本朝戶一萬二千五百二十一戶。丁三萬五千九百四十四口。邕州志。土

丁元額。宣化見管廣勇第一都一百二十三人。第二都七十五人。安邊第一都一百人。第二都一百五十一人。崎零第一都六十二人。第二都一

十六人。武緣見管安邊指揮二百八十四人。定勝指揮二百二十四人。崎
零都六十人。見共管一千九十五人。建武志軍額 東南第十三金將駐
劄。十一指揮額管五千一百人。馬一千六百匹。有馬雄略第二指揮額
管五百人。馬五百匹。營在州南。去城二百步。有馬雄略第三指揮額管
五百人。馬五百匹。營在州南。去城二百步。有馬雄略第四指揮額管三
百人。馬三百匹。營舊在州東。今遷于朝天門內三十步。有馬營略第七
指揮額管三百人。馬三百匹。營在州東。去城一百步。澄海三十一指揮
額管五百人。營在東朝天門內。澄海三十二指揮額管五百人。營在州
東白塔城望京門內。澄海三十四指揮額管五百人。營在子城之東。
澄海三十五指揮額管五百人。營在子城之東。澄海三十六指揮額管
五百人。營在州南。去城一百五十步。澄海三十七指揮額管五百人。營
在州南。去城二百步。不係將駐泊軍。宋朝熙寧間。屯戍禁軍二百八十
四人。置駐泊兵馬監押兼之。廟軍 清化第二指揮額管五百人。營在
子城之北。在城第二指揮額管二百人。營在子城東北。壯城第二指
揮額管三百人。營在子城東北。都作院指揮額管二百人。營在子城東
北。刺負指揮營在子城東北。土軍 城外巡檢指揮額管二百人。

管界巡檢指揮額管一百人。太平寨都巡檢額管四百人。太平寨同
巡檢額管一百五十人。永平寨都巡檢額管四百人。永平寨同巡檢
額管一百五十人。橫山寨都巡檢。富勞驛都巡檢。橫山寨洞巡檢。
邕州志洞丁。治平元年知桂州陸說。各按邊至邕州。閱洞丁得精兵五
萬。熙寧二年六月。樞密院言。聞邕州欽州洞丁能驍勇。但訓練不至。激賞
無術。欲令分爲三等。有戰閱武藝出衆爲上等。免差役。人材趨捷爲中等。
料配。餘爲下等。常日不妨農作。習學武藝。授果官教閱。即聚一村。按試
毋得預集從之。至元豐二年。廣西經略司奏。根括團結到邕州欽州洞丁
成一百七十五指揮。內先籍定武藝上等一萬六千六百七人。總三等凡
十萬餘人。至宣和八年。臣寮上言。邕州左右兩江沿邊溪洞五十餘處。自
治平年間。籍其土丁六萬餘人。至熙豐間。再籍其數。已及十萬。迄今四十
餘年。生齒之盛。其少壯可用者。尚未增入簿籍。逃亡老弱不堪用者。又未
蠲免姓名。乞別選素諳溪洞。能使遠人信畏之吏。專令措置重排簿書。庶
幾丁數得實。奉御筆令蔡懌條畫措置。具久遠利害。疾速飛驛以聞。未幾
准樞密院批。送廣西經略司。權行住罷土丁教閱。揀換排籍。建炎元年。初
置訓練洞丁。改用文臣充提舉官。於是州人朝請。即前廣西經略司幹辦

公事李城充其任。其請給人從等。並依提舉市舶官條例施行。所有見任使臣許就差充本司幹辦公事。尋又逐選差官。負使臣一十員。按左右江閩境圖。視州洞大小。隨地理遠近。分定差官抄點。見在人數。核准元豐法。應兩江洞丁。除十五以上。二十以下。別立名籍。拘管。權免教閱外。自二十歲以上。六十歲以下。並須盡數供通其丁壯。仍分三等。內曾戰功。或武藝如能出衆者。爲上等。人材矯捷。習熟武藝者。爲中等。余爲下等。將今來抄點到人數內。上等人以備緩急。選募出戰。與免諸般差使。及科配。中等以備把托隘柵。防守溪洞。互相照應。警遏盜賊。及鎮寨代戍。與免夫役。下等人依自來條例。輪流差使。遇調發出戰。即負器甲。輜其中等人。遇教閱。按試如武藝陞進。即便陞等。契勘元豐舊例。州洞各依軍法排定。五百爲指揮。置正副指揮使各一人。都頭五人。教頭三人。押隊二十八人。引戰二十八人。每隊二十五人。每五人爲一保。以上中下三等。各爲指揮。不以強弱交反。遂立抄簿。付官供攢。左江計三十二州洞。舊管六萬四千五百八十四人。新收一十萬九千五百六十六人。內管典頭首二千七百七十四人。幼丁一萬八千一百七十七人。正丁八萬八千六百二十一人。總一百六十六指揮。令一十四隊一人。上等二萬五千八百九十五人。中等二萬六千七